



Broj: 16-12-16-7269-4/24
I. Sarajevo, 21.10.2024. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH“, br. 39/14, 59/22 i 50/24), na preporuku Komisije za nabavke za potrebe Državne agencije za istrage i zaštitu u 2024. godini, broj 16-12-16-7269/24 od 23.10.2024. godine, u postupku javne nabavke ski pasova za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u postupku javne nabavke ski pasova za potrebe
Državne agencije za istrage i zaštitu

Član 1.

U postupku javne nabavke ski pasova za potrebe Državne agencije za istrage i zaštitu, putem Konkurentskog zahtjeva za dostavljanje ponuda, na preporuku Komisije za nabavke za potrebe Državne agencije za istrage i zaštitu u 2024. godini, broj 16-12-16-7269/24 od 23.10.2024. godine, ugovor se dodjeljuje ponuđaču Akcionarsko društvo Olimpijski centar „Jahorina“ Pale, ponuda broj 16-12-16-7269-4/24 od 21.10.2024. godine, za ponudenu cijenu 11.250,00 KM bez uračunatog PDV-a.

Član 2.

Ova odluka se dostavlja ponuđaču u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na web stranici Agencije.

Član 3.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 4.

Ova odluka stupa na snagu danom donošenja.

O b r a z l o ž e n j e

Odlukom direktora Državne agencije za istrage i zaštitu, broj 16-12-16-7269-1/24 od 02.10.2024. godine, pokrenut je postupak javne nabavke ski pasova za potrebe Državne agencije za istrage i zaštitu (u daljem tekstu: Agencija), procijenjene vrijednosti 11.250,00 KM bez uračunatog PDV-a, za koje je obavještenje o javnoj nabavci broj 1161-7-2-261-3-76/24, objavljeno na Portalu javnih nabavki 09.10.2024. godine i u „Službenom glasniku BiH“, broj 71/24 od 18.10.2024. godine. Novčana sredstva za realizaciju navedene nabavke obezbijeđena su u okviru budžetskih sredstava za 2024. godinu, na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2024. godine („Službeni glasnik BiH“, broj 50/24) i Dokumenta okvirnog budžeta 2025.-2027. godina. Za navedeni postupak javne nabavke predviđena je e-aukcija u skladu sa odredbama

Pravilnika o uslovima i načinu korištenja e-aukcije („Službeni glasnik BiH“, broj 80/23), (u daljem tekstu: Pravilnik).

Obzirom da je tačkom 6.1. Konkurentskog zahtjeva navedeno da je rok za dostavljanje ponuda 21.10.2024. godine, u 13:00 sati, te da se ponude dostavljaju u zatvorenoj kovrti, na pisarnicu Agencije do navedenog roka dostavljena je jedna ponuda, dok neblagovremenih ponuda nije bilo. Komisija je dana 21.10.2024. godine u 14:00 sati izvršila javno otvaranje ponude, na kome je prisustvovala gosp. Vesna Savić, ovlaštena predstavnik ponuđača Akcionarsko društvo Olimpijski centar „Jahorina“ Pale.

Redni broj	Naziv/ime ponuđača	Ponuđena cijena (bez PDV-a) u KM
1.	Akcionarsko društvo Olimpijski centar „Jahorina“ Pale	11.250,00 sa uračunatim popustom u iznosu od 10%

Komisija je nakon otvaranja ponude u smislu člana 63. st. (5) i (6) Zakona, sačinila Zapisnik o otvaranju ponude i isti dostavila ponuđaču. Postupak je dalje nastavljen u smislu pregledanja dokumentacije priložene uz ponudu, a u cilju ocjenjivanja ponuđača, te njegove kvalifikovanosti shodno uslovima navedenim u Konkurentskom zahtjevu.

Komisija je utvrdila da ponuđač Akcionarsko društvo Olimpijski centar „Jahorina“ Pale, ispunjava kvalifikacione uslove u pogledu njegove lične sposobnosti, sposobnosti obavljanja profesionalne djelatnosti, ekonomske i finansijske sposobnosti, tehničke i profesionalne sposobnosti, kao i formalno-pravne uslove iz Konkurentskog zahtjeva.

Obzirom da je Konkurentskim zahtjevom za postupak javne nabavke ski pasova za potrebe Državne agencije za istrage i zaštitu, predviđeno provođenje e-aukcije u skladu sa Pravilnikom, da je za navedeni postupak zaprimljena jedna prihvatljiva ponuda, Komisija nije zakazivala e-aukciju već je postupak javne nabavke ski pasova za potrebe Državne agencije za istrage i zaštitu okončan u skladu sa članom 69. Zakona, primjenjujući kriterij najniže cijene iz tačke 8.1. Konkurentskog zahtjeva i sačinila rang listu ocijenjene ponude, kako slijedi:

Redni broj	Naziv/ime ponuđača	Ponuđena cijena (bez PDV-a) u KM
1.	Akcionarsko društvo Olimpijski centar „Jahorina“ Pale	11.250,00 sa uračunatim popustom u iznosu od 10%

Nakon provedenog postupka ocjenjivanja Komisija je utvrdila da je ponuda ponuđača Akcionarsko društvo Olimpijski centar „Jahorina“ Pale, ocijenjena kao najpovoljnija ponuda, te da ista ne premašuje procijenjenu vrijednost javne nabavke. Cijeneći naprijed navedeno, prihvaćena je preporuka iz Izvještaja o radu Komisije i odlučeno da se ugovor u postupku javne nabavke ski pasova za potrebe Agencije dodijeli ponuđaču Akcionarsko društvo Olimpijski centar „Jahorina“ Pale, kako je navedeno u članu 1. ove odluke.


Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama.

DOSTAVLJENO:

- Ponuđaču;
- Sektoru za mat.-fin. poslove;
- a/a.

DIREKTOR
GLAVNI GENERALNI INSPEKTOR POLICIJE


Darko Čulum